

تاریخ دباچ : 14 افریل 2017 / 17 رجب 1438ھ

خطبة جمعة

تاجوق:

"قَمباراءن یغ منعجوبکن"

تربیتن :

اونیت خطبة، بہاکن قغوروسن مسجد

جابتن اکام اسلام سلاغور



سناراي اهلي جاوتنکواس خطبة نكري سلاڱور 2017

- 1 صاحب السعادة داتوء حاج حاريس بن قاسم
فغارہ جائس (فغروسي)
- 2 صاحب السماحة دوكتور حاج انهار بن حاج اوفير
تيمبلن مفتي، جابتن مفتي نكري سلاڱور (اهلي)
- 3 توان حاج إدريس بن رملي
کتوا فنولوغ فغارہ بهاکين فغوروسن مسجد جائس (ستيا وسها)
- 4 يغ برهياکيا دوكتور حاج عثمان بن حاج صبرن
فنشرح، اونيورسي تي سلاڱور (اهلي)
- 5 داتوء حاج عبد المجيد بن عمر
اهلي جاوتنکواس فتوى نكري سلاڱور (اهلي)
- 6 توان حاج حميد بن مت عيسى
فنشرح، کوليچ اونيورسي تي اسلام انتارابغسا سلاڱور (اهلي)
- 7 توان حاج مد سھاري بن عبدالله
اهلي جاوتنکواس فتوى نكري سلاڱور (اهلي)
- 8 توان حاج عبدالحليم حافظ بن صالحين
کتوا فنولوغ مفتي (فتوى)، جابتن مفتي نكري سلاڱور (اهلي)
- 9 أستاذ محمد فرحان بن ويجاي
إمام بسر مسجد سلطان صلاح الدين عبد العزيز شاه (اهلي)
- 10 أستاذ ايندرا شھريل بن محمد شھيد
فکاواي مجلس اگام اسلام سلاڱور (اهلي)
- 11 أستاذ خيرالعزمي بن خيرالدين
فنولوغ فغارہ اونيت خطبة بهاکين فغوروسن مسجد، جائس (اوروس ستيا)



"قَمْبَارَا عَن يَغْ مَنَعَجُوبِكُن"

الْحَمْدُ لِلَّهِ الْقَائِلِ: سُبْحَانَ الَّذِي أَسْرَى بِعَبْدِهِ لَيْلًا
مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَا الَّذِي بَرَكْنَا
حَوْلَهُ لِنُرِيَهُ وَمِنَ آيَاتِنَا إِنَّهُ هُوَ السَّمِيعُ الْبَصِيرُ ﴿١﴾
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا
الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

مسلمين يَغْ درحمتي الله سكالين،

الحمد لله، برشكور كيت كحضرات الله
سبحانه وتعالى دغن ليمقه نعمة دان رحمتش،

¹ Al-Isra' : 1



کیت داقت مٿکلکن ایمان دان تقوی کٿدانش دان
داقت براد درومه الله سبحانه وتعالی منونایکن
صلاة جمعة قد هاري این. جوسترو سام-ساماله
کیت موهون کٿد الله سبحانه وتعالی سوقاي
داقت منیٿکتکن لاني ایمان کیت سرتا تقوی
سهیٿک کاخیر حیاة.

خطبه کیت قد میٿکو این برتاجوق
"قٿمباراعن یٿ منعجوبکن".

حاضیرین یٿ دمولیاکن،

سمٿنا بولن رجب یٿ مولیا این، ماریله کیت
مٿیمانی دان مٿیٿتی ساتو ٿریستیوا بسر دان
برسجاره یاءیت اسراء دان معراج. الله سبحانه
وتعالی تله ملاکوکن سواتو ٿرجالنن مولیا کٿد
همباش نبی محمد ﷺ دری مٿکة کبیتُ المٿدس
دٿلسٿین، کمودین نایق کلاٿیت سمٿای
کسدرٿٿ المٿتہی دایریٿی ملائکة جبریل علیہ



السلام. ستروسن ناءيق لاني كساتو تمثت برنام
مُسْتَوَى سَأورغ ديري تنقا دأيريغي سسياقا
اونتوق مزيما ساتو قرينته يغ فنتيغ ياءيت عبادة
صلاة. قريستيووا برلاكو 11 تاهون سلخس داغكت
منجادي رسول برسامان 622 ميلادي. اي
دراقمكن دالم سورة الاسراء اية 1 سقرتي قد
قرمولان خطبه تادي يغ برمقصود؛

"مها سوچي الله يغ تله منجالنكن همباش
(محمد) قد مالم هاري دري مسجد الحرام
(دمكة) كمسجد الأقصى (دقلسطين)، يغ كامي
بركتي سكيليجن، اونتوق ممقرلمهتكن كقدان
تندا ۲ (ككواسان دان كبسرن) كامي.
سسوغكوهن الله جواله يغ مها مندغر، لاني مها
مغتاھوئي".

قريستيووا اسراء دان معراج يغ منعجوبكن
مشاركت قريش كتيك ايت اياله قرجالنن سجاوه



دري مَكَّة كَبَيْتُ الْمُقَدَّسِ ايت لازيمش دلاكوكن
سلاما دوا بولن ياءيت سبولن قرني دان سبولن
باليق. تتاڤي اف يڭ برلاكو، قرجالنن يڭ داغكف
جاءوه ايت برلاكو قد ساتو مالم دان منجلغ وقتو
صبح سوده سمڤاي سمولا كمكة.

قريستيووا اكوغ اين مپيمقن رهسيا بسر يڭ
داقت دامبيل اعتبار دان كأنصافن اونتوق
منيغكتكن ايمان. قغمبراءن اسراء دان معراج يڭ
دبركتي ايت ممبريكن ببراڤا قغاجرن يڭ مڭكامبركن
بالسن دوسا ۲ يڭ دلاكوكن اوليه اومت محمد
سماس هيدوق ددنيا. سگالا معصية ترسبوت
اكن دبالس دغن بالسن يڭ امت ستيمقل كچوالي
باكي يڭ سمقت برتوبه دغن توبه نصوحا.

منوروت سبواه حديث يڭ دروايتكن اوليه
الطبراني دان البرار، نبي محمد ﷺ تله مالوئي
قنمقن ببراڤا قوم يڭ هيدوقن دالم معصية.



انتاراڻ مريڪ يڱ مالس منديريڪن صلاة، تيدق
ممباير زكاة هرتا يڱ چوڪوڦ نصاب دان حوّل،
ماڪن واغ ربا، مڱومقت، مپير فتنه، برزنا،
برسيڪف سومبوغ، مڱخياني جنجي دان لاءين ۲.
دميڪين جوڪ دتونجوڪن ڪنجرن الله يڱ بسر
باڪي يڱ برجهاد ڪجانن الله، برصدقه دان
ملاڪوڪن عمل صالح.

نبي ﷺ جوڪ دباوا مليهت ڪسواتو لمبه يڱ پامن
دان ديڱين، اڱينش ممباوا باءوان (bauan) واڱي
هاروم سمربق باڪاي ڪستوري، سرتا ڪدڱرن
سوارا يڱ رياغ ڪمبيرا. اڱابيل رسول الله ﷺ برتاش،
جبريل لنتس منجواب ايتوله سوارا شرڪ يڱ
مرايو مموهون اڪر الله ممبالس اڱا ۲ يڱ
دجنجيڪن، والاوقون مريڪ سدغ منعمتي برباڪاي
نعمه شرڪ، نامون مموهون لائي نعمه يڱ لبيه
بسر سباڪاي ڪنجرن ڪڱد يڱ برايمان دان برعمل
صالح.



سلفس ايت جبريل عليه السلام ممباوا نبي
كلمبه لاءين، كدغرن سوارا بيسيغ دان اوداراڻ
برياءو بوسوق. جبريل عليه السلام مپاتاكن ايت
اداله سوارا نراك جَهَنَّمَ يَغ مپرو اكر دتمبه لائي
عذاب يَغ دجنجيكن والاقون تله برتيمبون قداڻ
رنتاي، بلغكو، اڻي منجولغ، اير قانس منديديه،
قوهون بردوري، تتاڻي مريك ماسيه موهون لائي
عذاب دان سيقسا كقد يَغ منشيريكن الله دان
ملاكون معصية.

الله سبحانه وتعالى منجلسكن كأداغن نراك،
سباكايمن فرمانش دالم سورة التكاثر اية 6-8؛

لَتَرُونَ الْجَحِيمَ ﴿٦﴾ ثُمَّ لَتَرُونَهَا عَيْنَ الْيَقِينِ ﴿٧﴾ ثُمَّ
لَتُسْأَلُنَّ يَوْمَئِذٍ عَنِ النَّعِيمِ ﴿٨﴾

"(ايغتله) دمي سسوغكوهن! كامو اكن مليهت
نراك يَغ مارق منجولغ. سلفس ايت دمي



سسوڱگوهڻ! کامو (واهاي اورغ ۲ یغ درهاک) اکن
ملیهڻ دغن قغلیهڻ یغ یقین (سماس کامو
دلیمقرکن کدالمڻ)! سلاءین دری ایت،
سسوڱگوهڻ کامو اکن دتاڻ قد هاری ایت، تنتغ
سکالا نعمة (یغ کاموتله منعمتیش)!.
مسلمین یغ درحمتی الله سکالین،

منوروت روایة أَنَسُ بْنُ مَالِكٍ، ستله رسول
الله ﷺ تیباً دَبَيْتُ الْمُقَدِّسِ دَغْنِ مَنْأَيْقِي بُرَاقٍ،
یاءیت سآیکور بیناتغ برورنا قوتیه، بسر سدیکیت
درقد کلدای دان کچیل درقد بَغْلٌ، بکیندا
ماسوق کدالم مَسْجِدِ الْأَقْصَى دان صلاة دوا
رکعة. منوروت ابن مسعود رضی الله عنه، جبریل
علیه السلام ممیمقین بکیندا کهادقن اونتوق
منجادی امام صلاة برسام قارا رسول، این
مروقاکن قتونجوق بهاوا نبی محمد ﷺ داغ



مماوا شريعة، دان سچارا تيدق لغسوغ منمتکن
شريعة تردهولو.

سبلوم معراج نبی محمد ﷺ دقرتموکن دغن
نبی آدم عليه السلام یغ دقرکنلکن اولیه جبریل
عليه السلام سباکاي باف کقد سلوروه اومت
ماءنسي، جوک ممبري قعاجرن کقد کيت، اقابيلا
برمسافير جاءوه اتاو ممبوات سسواتو توکس
بسر، قرلوله لبيه دهولو منموئي اييوباف اتاو
اهلي کلوارک توا اونتوق مموهون دعاء رستو
درقد مريک اکر داقت ملقساناکن توکس دغن
باءيق دان سلامت.

منوروت نوکيلن درقد تفسير المرآغي،
سسوغکوهن قد قريستيو اين ترداقت سواتو
قغرتين یغ قاتوت دفيکير دان دقرهاتيکن سچارا
مندالم، یغ منونجوککن بهاوا سموا قارا رسول
والاوقون برلاءينن کتورونن دان زمان، مريک



برساتو ڦادو دسي سي الله سبحانه وتعالى يغ تله
مغوتوس مريڪ. مک بوکنکه سڦاتوتن ڦارا
ڦڦيڪوت مريڪ جوڪ برساتو، مڦيڪوت ججق
لڦکه رسول مريڪ، اڪر اوروسن يغ برلغسوغ
دڪالغن مريڪ داقت دأتسي کأره ڦرداماین بوکن
ڦرڦچاهن.

ڦريستيو سلنجوتن داغ ڦولا ملائڪة جبريل
عليه السلام ممباوا دوا جنيس مينومن، ارق دان
سوسو. مک نبی ﷺ مميليه سوسو. جبريل عليه
السلام مپاتاکن بهاوا نبی تله مميليه فطرهن.
سوسو ملامبگن کسوجين. منوروت الإمام
النَّوَوِي، مقصود فطره اياله اسلام. اد ڦون ارق
اداله ڦوڪوق سڪالا کجاهتن يغ کجي دان
ڦڪرجاءن شيطان. الله ملعنة ڦمينوم ارق،
ڦنجوال، ڦمبيري، ڦمباوا، سامادا مينوم دالم
بوتول کچيل اتاو بسر، تين کچيل اتاو تين بسر،
سمواش اداله نجيس يغ منجيجيڪن دسي سي الله



سبحانه وتعالى، بهکن قینتو نراک تربوک منوڱکو
مريک داخیره.

حاضيرين يڱ دکاسيهي الله سکالين،

کمونچق درقد قريستيووا اسراء دان معراج،
الله سبحانه وتعالى ممفرضوکن عبادة صلاة 50
وقتو سهاري سمالم. تتاڱي دالم فرجالنن قولغ
بکيندا برتمو لاکي دغن ني موسى عليه السلام يڱ
مغوسولکن اکر بکيندا موهون کريغنن الله
سبحانه وتعالى کران قرينته ايت برت باڱي اومت
محمد. ستله رايوان دبوات اخيرث الله ممقرکننکن
هاث 5 وقتو سهاج، تتاڱي کنجرنث سام دغن 50
وقتو.

دالم قلقسانان صلاة، بادن، فيکيرن دان
قرهاتين سرتا لفظ يڱ تله دتنتوکن دتوجوکن
خصوص کقد الله سبحانه وتعالى سماتا-مات.
کران صلاة اداله عبادة اوتام يڱ دعبارتکن سقرتي



تياغ دالم سسبواه باغونن. حديث درقد عمر بن
الخطاب رضي الله عنه بهاوا رسول الله ﷺ
برسبدا؛

الصَّلَاةُ عِمَادُ الدِّينِ فَمَنْ أَقَامَهَا فَقَدْ أَقَامَ
الدِّينَ وَمَنْ تَرَكَهَا فَقَدْ هَدَمَ الدِّينَ

"صلاة ايت تياغ اگام، سسياقا يغ منديريكنش
برمعنا اي منديريكن اگام، سباليقش مريك يغ
منيغكلكنش ساوله-اوله مرونتهوكن اگام".
(رواية البيهقي).

صلاة مروفاكن قرهوبوغن كيت دغن الله
سبحانه وتعالى. دغن سبب ايت سواجرث صلاة
دلاكوكن دغن سمقورنا، ترسيسيه درقد
كبداءن، ترسيسيه دري عالم نفسو شهوة دان
دري عالم فتنه اكر اورغ يغ صلاة ايت ممقو
سقنوهش كقد ذات الله سبحانه وتعالى سماتا-
مات.



اڱکوتا توبوه یغ قالیغ تیغکي دان برهرک
سچارا سیمبولیقن ایاله کقالا. دغن سبب ایت
رامای اورغ یغ برانی ممقرتاروهکن پاوا، مراس
بکیتو سوکر جک کقالاڻ دفرمائیکن اورغ. تتاڻی
لاءین حالڻ کتیک دهادقن الله. دغن قنوه
کسدرن، کقالا ریلا درندهکن دتمقت قالیغ باوه
سجاجر دغن تمقت برقیجق، مرندهکن دیری
دهادقن الله یغ مها اڱوڱ دان مها تیغکي اتس
سکالا سسواتو.

مسلمین حاضرین جمعة سکالین،

سلفس فریستیوا اسراء دان معراج برلاکو،
رسول الله ﷺ برتمبه کیکیه منجالنکن دعوهڻ،
والاوقون مڱهادڻی بریاڱای رینتغن دان چابرن دری
موسوه سکلیلیغڻ، نامون بکیندا تتف تابه
عبارت ممبوجور لالو ملینتغ قاته اونتوق بردعوه
دسلوروه سمننجوڱ تانه عرب. این ممبری اعتبار



ڪڏ ڪيت دالم ملقساناڪن ڪرڃا ڪباڃيقن
مستيله دغن سماغت جواغ يغ تيغڪي قنوه
ديديڪاسي (dedikasi) دان تڱوڱجواب، سديا
مڱهادڻي اف جوا چابرن. اِن شَاءَ اللّٰه، حاصيلش
اڪن منداقت ڪجاياڪن چمرلغ دسيسي اللّٰه
سبحانه وتعالى.

حاضرين سڪالين،

مڱاخيري خطبه اين، ماريله ڪيت رنوڱ دان
حياتي ببراڻ سارنن براكوت؛

1. اومت اسلام هندقله برايمان دان ميقيني
تننغ وجودش ڪجادين اسراء دان معراج يغ تله
دسبوت دالم القرءان دان حديث.

2. اومت اسلام هندقله ممڱرايغتي قيصه
اسراء دان معراج اين، بوڪن سقدر ممباچ
قصهش سباڪاي سجاره، تنافي مڱڪاجي دان



مغمبيل اعتبار دان فعاجرن ستياف يڭ برلاكو
درقد قريستيووا ترسبوت.

3. اومت اسلام هندقله ممستيكن ديري دان
كلوارك تيدق مغبايكن صلاة ليم وقتو، والاو
دمان سهاج كيت براد اونتوق منجامين كجاياين
ددنيا دان اخيرة.

4. اومت اسلام هندقله ميقيني بهاوا ستياف
فلغكرن قرينته الله اكن منريما قمبالسنن سقرتي
يڭ دكامبركن دالم قريستيووا اسراء دان معراج.

5. اومت اسلام دايجتكن سوقايا
ملقساناكن كبايجقن دان عمل صالح اونتوق
مندافت كنجرن الله داخيرة كلق سقرتي يڭ
دكمبركن جوگ دالم قريستيووا ترسبوت.



أَعُوذُ بِاللَّهِ مِنَ الشَّيْطَانِ الرَّجِيمِ

وَلَقَدْ رَءَاهُ نَزْلَةً أُخْرَىٰ ﴿١٣﴾ عِنْدَ سِدْرَةِ الْمُنْتَهَىٰ ﴿١٤﴾ عِنْدَهَا
جَنَّةُ الْمَأْوَىٰ ﴿١٥﴾

"دان دمي سسوغكوهن! (نبي محمد) تله
مليهت (ملائكة جبريل، دالم بنتوق روقاش يغ
اصل) سكالى لاني، دسيسي "سِدْرَتُ الْمُنْتَهَىٰ، يغ
دسيسيش ترلتق شرك "جَنَّةُ الْمَأْوَىٰ".

(النجم : 13-15).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلْ
مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ.

مجيد / نورول

07.07.2017



خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا
بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ.

سيدع جمعة يغ درحمتي الله سبحانه وتعالى،

منبر جمعة سڪالي لائي برقسن سوڦاي ڪيت
سنتياس برتقوا ڪڦد الله سبحانه وتعالى، دان
مپدري بهاوا اسلام مڄاگر ڪيت سوڦاي برسڪف
سدرهان دالم سڪالا عمالن. ڪيت امتله دتونوت
اگر منمڦيلڪن ڪمولياءن اخلاق، سڪف دان



كقربادين تيغكي كران رسول الله ﷺ دأوتوس
اونتوق ميمقورناكن أخلاق دان سباكاي رحمة
باكي سلوروه اومت دان سكالين عالم.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ
مُجِيبُ الدَّعَوَاتِ يَا قَاضِيَ الْحَاجَاتِ. اللَّهُمَّ إِنَّا
نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ
بِعَيْنِ عِنَايَتِكَ الرَّبَّانِيَّةَ وَبِحِفْظِ وَقَايَتِكَ الصِّمْدَانِيَّةَ،



جَلَالَةَ مَلِكِنَا الْمُعْظَمِ سُلْطَانَ سَلَاعُورِ، سُلْطَانَ
شَرَفُ الدِّينِ ادریس شاه الحاج ابن المرحوم
سُلْطَانَ صَلاَحُ الدِّينِ عبد العزيز شاه الحاج. اَللّٰهُمَّ
اَدِمِ الْعَوْنَ وَالْهِدَايَةَ وَالتَّوْفِيقَ، وَالصِّحَّةَ وَالسَّلَامَةَ
مِنْكَ، لِيُوَلِّيَّ عَهْدِ سَلَاعُورِ، تَعَكَوْ اَمِيرِ شَاهِ ابْنِ
السُّلْطَانَ شَرَفُ الدِّينِ ادریس شاه الحاج فِي اَمْنٍ
وَصَلَاحٍ وَعَافِيَةٍ بِمَنْكَ وَكَرَمِكَ يَا ذَا الْجَلَالِ وَالْاِكْرَامِ.
اَللّٰهُمَّ اَطْلُ عُمْرَهُمَا مُصْلِحَيْنِ لِلْمَوْظَفَيْنِ وَالرَّعِيَّةِ
وَالْبِلَادِ، وَبَلِّغْ مَقاصِدَهُمَا لِطَرِيقِ الْهُدَى وَالرَّشَادِ.

يا الله، اڭكاوله توهن يڭ مها بركواس، كامي
برشكور كحضرتمو يڭ تله مغورنياكن كامي رحمة
دان نعمة، سهيڭك كامي داقت منروسكن اوسها
كأره ممقركوكوهكن نكارا اومت اسلام، سباڭاي
نكري يڭ ماجو، سجهترا دان بركباجيقن دباوه



ناءوڱن دان ڦيمڦينن راج ڪامي سباڪاي ڪتوا اگام
إسلام دنڪري اين.

جوسترو ڪامي ڦوهون ڪحضرتمو يا الله،
تتفڪنله ايمان دان ڦڪڱن ڪامي ڪڦد اهل السنة
والجماعة. ڦلپهاراله ڪامي درڦد عقيدة يڱ مپليويڱ
دان سست سڦرتي شيعة، قدياني سرتا لاءين ۲.
ڪوڪوهڪنله يا الله ڦرقادوان ڪامي، لواسڪنله رزقي
ڪامي، ڪاياڪن ڪامي دڱن علمو يڱ برمنفعة،
سوبورڪنله جيوا ڪامي دڱن بودي ڦڪرتي يڱ موليا،
ليندوڱيله ڪامي درڦد بالا بنچان دان وابق ڦپاڪيت
خصوصن وابق ڦپاڪيت ايم H5N1 (H Five N One).
ڪامي ڦوهون يا الله اڪر وابق اين تيدق مريبق
ڪنڪري ڪامي نڪري سلاڱور دار الإحسان، اللهم
آمين!



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذُكُرْكُمْ وَأَشْكُرُوهُ عَلَىٰ نِعْمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ
أَكْبَرُ وَاللَّهُ يَعْلَمُ مَا تَصْنَعُونَ.
